

IV CONCURSO DE CULTURA CLÁSICA



ODISEA 2009

A Sección galega da Sociedade Española de Estudios Clásicos (SEEC) convoca a **cuarta edición do concurso ODISEA**, no que poderán participar todos os alumnos e alumnas que así o desexen, pertencentes a calquera dos Centros Oficiais de Ensino Secundario de Galicia.

Terá lugar entre os días **2-6 de febreiro** (primeira fase), e os días **9-13 e e 16-20 de febreiro de 2009** (desempate local e fase final estatal respectivamente), segundo se detalla no calendario adxunto.

Este certame, malia que aberto a todos os alumnos e as alumnas dos Centros, está dirixido principalmente aos profesores e alumnos de Cultura Clásica, Latín e Grego, e non pretende outra cousa que sacar a Cultura Clásica das aulas, alomenos por uns días.


Recordamos que a idea orixinal deste concurso débemoslla ás profesoras Ángeles Burgos González e María F. Loira Santiago, dos departamentos de Grego e Latín do IES "*David Buján*" de Cambre, non sendo este máis que unha versión "*en liña*" do seu concurso.

Nesta edición volveremos contar coa participación da comunidade valenciana.

A celebración do concurso coincidirá nas mesmas datas en todas as Seccións.

As preguntas cinxiranse ao currículo de cultura clásica, latín e grego que se ensina nos centros e, como se establece nas bases, cada día versarán sobre temas concretos.

A nosa nave xa correu innúmeras aventuras na navegación polo proceloso mar dos centros de toda Galicia e, unha vez máis, nesta cuarta singladura, ansiamos chegar á nosa illa sans e salvos e tamén máis sabios. Deixemos aos nosos alumnos e alumnas que se enfronten como modernos heroes ás preguntas e disfruten da satisfacción das respostas encontradas co seu esforzo, que cheguen sós a Ítaca e culminen a súa viaxe sen consultar ao oráculo máis que o estrictamente necesario!



BASES

- I. O concurso consistirá en responder ás preguntas que cada día se publiquen na sección **ODISEA 2009** da páxina WEB da sección galega da Sociedade de Estudos Clásicos (www.seecgalicia.org).
- II. Poderá participar o **alumnado matriculado nos Centros Oficiais de ensino Secundario de Galicia durante o curso 2008/2009**, formando equipos de tres membros como máximo. Estes equipos deberán contar cun **profesor ou profesora responsable**. Un mesmo profesor poderá ser responsable de varios equipos.
- III. A **inscrición** dos equipos realizarase entre os días **12 e 30 de xaneiro de 2009**, ambos inclusive, cubrindo o **formulario de inscrición** directamente na WEB da SEEC. Unha vez cuberto, cada equipo recibirá no correo-E do profesor responsable unha **clave** para poder concursar.
- IV. Os **tres primeiros días (2, 3 e 4 de febreiro)** sairán publicadas **tres "preguntas"** que versarán sobre temas relacionados coa Cultura Clásica. O **1º día** as preguntas serán sobre **mitoloxía grega e romana**, o **2º día** versarán sobre a **vida cotiá en Grecia e Roma**, e o **3º día** serán sobre **Historia e institucións grecolatinas**.
- V. No **cuarto día (xoves 5 de febreiro)** sairán publicadas outras "**preguntas-pistas**" e un "**preguntón**", de maior dificultade que as preguntas ordinarias: a resposta do "**preguntón**" virá dada polas iniciais das respostas correctas destas "**preguntas-pistas**", **segundo a orde de publicación das mesmas**. Estas preguntas serán todas elas sobre **Literatura grecolatina**.
- VI. Os equipos participantes terán que responder ás preguntas **cubrindo directamente o formulario** que sairá publicado na WEB.
- VII. Só no caso excepcional de avería do sistema informático poderán ser admitidas as respostas por correo-E ao seguinte enderezo electrónico: secretaria@seecgalicia.org, sempre e cando conste no mesmo a clave, nome do grupo e profesor responsable.
- VIII. Por cada *pregunta* correctamente respondida obteranse **5 puntos** e o erro suporá o desconto de **1 punto**. Se se acerta o "**preguntón**" obteranse **10 puntos** e por cada resposta acertada das *preguntas-pistas* para chegar á solución obteranse **2 puntos** máis; por cada erro descontarase **1 punto**.
- IX. Nas respostas non se admitirán abreviaturas e deberase respectar a **correcta ortografía** das palabras. Ex: Sócrates e non Socrates; cínico e non cinico.
- X. As "**preguntas, preguntas-pistas e preguntón**" **terán sempre que ser respondidas cunha soa palabra**, quedando automaticamente invalidadas as que consten de máis dunha palabra na súa resposta.
- XI. Cando se pida expresamente **a resposta en latín** deberase usar esta lingua e poñer a palabra en caso **nominativo singular**, tal e como vén no dicionario.

- XII. As transcricións de palabras gregas deberanse ater ás normas de transcripción ao galego ou castelán. Calquera transcripción a outras linguas será considerada como un erro. Para a transcripción de palabras gregas en xeral e dos nomes propios gregos pódense consultar os enlaces que se dan nas FAQ.
- XIII. Existe na páxina web unha relación de preguntas e respostas frecuentes (FAQ) relativas á correcta participación no concurso. Non esquezades, polo tanto, consultalas, porque vos poden servir de gran axuda e evitar erros innecesarios.
- XIV. Cada día publicaranse na web as respostas correctas ás **preguntas** ou **preguntón** do día anterior e a orde de clasificación dos equipos.
- XV. O **resultado provisional** darase, se non hai empate, o **venres 6 de febreiro de 2008**, deixando este día para atender ás reclamacións, se as houberse.
- XVI. O resultado final desta primeira fase darase o **luns 9 de febreiro**. En caso de empate a puntos procederase segundo o establecido nos puntos seguintes.
- XVII. En caso de empate a puntos entre equipos que opten ao terceiro ou segundo premio, o gañador dos mesmos será aquel equipo que empregase menos tempo en responder.
- XVIII. En caso de empate a puntos entre equipos que opten ao primeiro premio celebrarase un desempate que consistirá nun novo preguntón que se publicará na WEB na tarde **do mércores 11 de febreiro**.
- XIX. Este desempate terá lugar nas dependencias dun dos centros designados pola organización, ao menos un por provincia, e será vixiado por un responsable da mesma.
- XX. No desempate as preguntas versarán sobre todos os temas que saíron nas anteriores fases do concurso.
- XXI. En caso de novo empate a puntos na disputa polo primeiro premio será o gañador o equipo que empregase menos tempo en responder a este "preguntón" de desempate, e con este mesmo criterio adxudicaranse o segundo e o terceiro premio se fose o caso.
- XXII. O **resultado provisional** deste desempate darase o **xoves 12 de febreiro**, quedando este día para atender ás reclamacións, se as houberse.
- XXIII. O **resultado final do desempate**, e por conseguinte, da fase local do concurso, darase o **venres 13 de febreiro**.
- XXIV. Para participar na fase Estatal as diferentes seccións deberán comunicar a SEECGALICIA os datos dos equipos gañadores das súas respectivas seccións antes do **luns 16 de febreiro**.
- XXV. Os equipos gañadores nas súas respectivas Seccións competirán entre si nunha **segunda fase Estatal**, cun preguntón que sairá publicado na tarde do **mércores 18 de febreiro** na web de SEECGALICIA.
- XXVI. Este desempate terá lugar nas dependencias do centro gañador ou, se non é posible, nun centro designado pola organización, e será vixiado por un responsable da mesma.
- XXVII. O **resultado provisional** darase o **xoves 19 de febreiro**, quedando este día para atender as reclamacións, se as houberse.

XXVIII. O **resultado final desta fase Estatal** farase público o **venres 20 de febreiro**.

XXIX. Na fase local o xurado estará composto polos seguintes membros da directiva da sección galega da SEEC:

- Cecilia Criado Boado - Álvaro Pérez Vilariño
- Maite Miñambres Gómez - Xosé A. López Silva
- Amelia Pereiro Pardo - Jesús Ricardo Martín Fernández

XXX. Na fase Estatal o xurado estará composto por membros das directivas das seccións da SEEC de Valencia e Galicia (dous por sección).

XXXI. Establécense os seguintes **premios** para a **fase local galega**:

- **Primeiro premio de 300 euros** para o primeiro equipo clasificado.
- **Segundo premio de 150 euros** para o segundo equipo clasificado.
- **Terceiro premio de 100 euros** para o terceiro equipo clasificado.

XXXII. Establécese o seguinte premio na **fase estatal**, aportado a partes iguais entre as seccións participantes:

-1º Equipo clasificado: **400 euros**.

XXXIII. A **entrega de premios** aos gañadores do concurso en Galicia terá lugar no marco da inauguración do festival de teatro greco-latino a celebrar o día **luns, 9 de marzo de 2009**, no **auditorio Gustavo Freire de Lugo**. Os equipos gañadores e os seus profesores estarán invitados ás representacións.

XXXIV. En caso de calquera **reclamación ou consulta** estas dirixiranse ao seguinte enderezo electrónico: secretaria@seecgalicia.org

CALENDARIO

1. **Do luns 12 de xaneiro ata o venres 30:** inscrición dos equipos na web de SEECGalicia.
2. **Luns 2, martes 3, mércores 4 de febreiro:** As “preguntas” sairán publicadas na web da Delegación Galega da SEEC e deberán ser contestadas polos equipos inscritos nun prazo máximo de **24 horas**, é dicir, **antes das 9:00 h. do día seguinte.**
3. **Xoves 5 de febreiro:** O “preguntón” coas súas “preguntas-pistas” sairá publicado o a partir das **9:00 h.** e deberá ser contestado polos equipos inscritos nun prazo máximo de **24 horas**, é dicir, **antes das 9:00 h. do día seguinte.**
4. **Venres 6 de febreiro de 2008.** Publicación do **resultado provisional da primeira fase local.** Atención de reclamacións.
5. **Luns 9 de febreiro.** Publicación do **resultado final** desta primeira fase local.
6. **Mércores 11 de febreiro. Desempate** entre equipos empatados a puntos cun **novο preguntón** que se publicará na WEB **ás 16:30 horas** e terá que ser contestado **antes das 19:30 horas.**
7. **Xoves 12 de febreiro,** publicación do **resultado provisional deste desempate.** Atención de reclamacións.
8. **Vernes 13 de febreiro,** publicación do **resultado final do desempate,** e por conseguinte, da fase local do concurso.
9. **Luns 16 de febreiro,** data límite para a **comunicación a SEECGalicia dos gañadores** das diferentes seccións.
10. **Mércores 18 de febreiro,** competición entre os equipos gañadores das diferentes seccións mediante un preguntón que se publicará na WEB de SEECGalicia **ás 16:30 horas** e terá que ser contestado antes das **19:30 horas.**
11. **Xoves 19 de febreiro,** publicación do **resultado provisional da fase Estatal.** Atención de reclamacións.

12. **Venres 20 de febreiro.** Publicación do resultado final da fase estatal da Odissea 2009.

13. **Luns, 9 de marzo de 2009: entrega de premios** aos gañadores do concurso en Galicia no marco da inauguración do festival de teatro grecolatino Lugo 2009 no **auditorio Gustavo Freire de Lugo.**



Santiago de Compostela, a 18 de decembro de 2008.

